



Broj: 08-06/2-14-2-2416-1015

Dana: 26.06.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača - "ZENKO" d.o.o. Zenica, za "LOT 2: Nabavka policijskih košulja – kratki rukav sa oznakama i dugi rukav bez oznaka"

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-2416-7/15 od 26.06.2015.godine, i ugovor za "LOT 2: Nabavka policijskih košulja – kratki rukav sa oznakama i dugi rukav bez oznaka" dodjeljuje se ponuđaču "ZENKO" d.o.o. Zenica sa ponudom broj: 08-06/2-14-2-3393/15-BS od 22.06.2015.godine, za ponuđenu cijenu u iznosu od 53.451,00 KM bez PDV-a.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- Izjavu o ukupnom prometu ponuđača, i kada je to primjereno, o prometu u segmentu poslovanja koji je predmet ugovora, za posljednje dvije finansijske godine (2013. i 2014.g.) za koje se raspolaže podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od dvije godine (*ukupan promet u zadnje 2 (dvije) godine (2013. i 2014.g.) ne može biti manji od 80.000,00 KM, a ako je ponuđač registrovan, odnosno počeo sa radom prije manje od 2 (dvije) godine, ukupan promet ne smije biti ispod 40.000,00 KM*).

- spisak izvršenog najmanje 1 ugovora o isporuci robe koja je predmet nabavke tokom posljednje dvije godine (2013. i 2014.g.), ili od datuma registracije odnosno početka poslovanja ako je ponuđač registrovan odnosno počeo sa radom prije manje od 2 godine. Uz spisak izvršenih ugovora ponuđač je dužan dostaviti potvrde o uspješno izvršenim ugovorima koju daje druga ugovorna strana o njihovoj realizaciji; Potvrda o uredno izvršenim ugovorima mora sadržavati: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora, navode o uredno izvršenim

ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

- aktivan dokaz o registraciji u profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost. Ako se dokaz o registraciji ne izdaje u državi sjedišta privrednog društva, privredno društvo može dostaviti Izjavu s ovjerom potpisa kod nadležnog organa.

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

III

Prilikom dostavljanja dokumentacije iz stava II, odabrani ponuđač dužan je ponudu pripremiti na način i u svemu kako je propisano Standardnom tenderskom dokumentacijom broj: 08-06/2-14-2-2416/15 (čvrsti uvez, numerisanje ponude, ovjera dokumentacije itd.)

IV

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-2416/15 od 07.05.2015.godine.

Javna nabavka provedena je putem otvorenog postupka nabavke.

Procijenjena vrijednost nabavke za LOT 2 je 46.153,00 KM bez PDV-a.

Obavještenje o nabavci broj: 488-1-1-21-3-11/15, poslano je na objavu dana 07.05.2015.g., čiji je sažetak objavljen dana 11.05.2015.godine u "Sl. glasniku BiH", broj 37/15.

Komisija za javnu nabavku imenovana je rješenjem broj: 08-06/2-14-2-2416-2/15 od 12.05.2015. godine.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-2416-6/15 od 22.06.2015.godine i Zapisnik o ocjeni ponuda broj: 08-06/2-14-2-2416-7/15 od 26.06.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "ZENKO" d.o.o. Zenica, "ZIKO" d.d. Zavidovići i PTD "MEN" d.o.o. Travnik, te da ponude ponuđača "ZENKO" d.o.o. Zenica i PTD "MEN" d.o.o. Travnik ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ, dok ponuda ponuđača "ZIKO" d.d. Zavidovići ne ispunjava kvalifikacione kriterije, iz razloga što ista nema čvrsti uvez na način da se iz iste ne mogu naknadno vaditi ili umetati listovi. Naime, listovi ponude ovog ponuđača su spojeni metalnom municijom za klamericu, što umogućava da se listovi ponude mogu razdvojiti i eventualno umetati novi listovi. Shodno tome, komisija je utvrdila da je ponuđač "ZIKO" d.d. Zavidovići postupio suprotno tački 14. tenderske dokumentacije.

Potom je za LOT 2 utvrđena rang-lista ocijenjenih ponuda kako slijedi:

Red. br.	Ponuđač	Cijena u KM bez PDV-a	Popusti	Cijena u KM bez PDV-a sa uračunatim popustom	Preferencijalni tretman domaćeg	Cijena sa popustom i preferencijalnim tretmanom domaćeg u KM bez PDV-a	Rok isporuke	Rok plaćanja	Bodovi za cijenu	Bodovi za rok isporuke	Bodovi za rok plaćanja	Ukupno bodovi	Rang
1.	ZENKO D.O.O. ZENICA	53.451,00 KM	-	53.451,00 KM	Da	45.433,35 KM	15 Dana	20 Dana	80	6,67	10	96,67	1
2.	PTD MEN D.O.O. TRAVNIK	46.080,00 KM	-	46.080,00 KM	Ne	46.080,00 KM	10 Dana	7 Dana	78,88	10	3,50	92,38	2

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "ekonomski najpovoljnija ponuda".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Ponuda odabranog ponuđača "ZENKO" d.o.o. Zenica jeste veća od procijenjene vrijednosti nabavke, međutim stav ugovornog organa je da se pomenuta ponuda prihvati, obzirom da ugovorni organ u budžetu raspolaže sredstvima potrebnim za finansiranje ugovora.

Slijedom navedenog, ponuđač "ZENKO" d.o.o. Zenica je odabran na osnovu ponuđene cijene u iznosu od 53.451,00 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Hajrudin Žilić